

欽定石渠寶笈三編

欽定石渠寶笈三編

延春閣藏 十九

列朝名人書畫

明戴進赤壁圖 一軸

明戴進溪橋策蹇圖 一軸

明戴進畫山水 四軸

明戴進畫紈牛 一軸

明夏芷風雨歸程圖 一軸

明周文靖雪夜訪戴圖 一軸

明商喜歲朝圖 一軸

明林廣春山圖 一軸

明劉珏仿吳鎮山水 一軸

明杜瓊師林圖 一軸

明王謙墨梅 一軸

明劉仲賢七賢圖 一卷

明孫龍寫生 一冊

明姚綬松陰銷夏圖一軸

明姚綬畫樹石小景一軸

明姚綬畫竹一軸

明李東陽自書春園雜詩一卷

明陶成畫狸奴芳草一卷

明陶成歲朝圖一軸

明吳寬記園中草木詩一卷

明邵寶畫梅花山茶一軸

明沈周畫三吳集景一冊

明沈周支硎遇友圖一卷

明沈周春岫喬林圖一卷

明沈周蘇州山水全圖一卷

明沈周石泉圖一卷

明沈周西山秋色圖一卷

明沈周溪雲欲雨圖一卷

明沈周穹窿古梅圖一卷

明沈周舟行圖一卷

明沈周畫小像一卷

明沈周畫松並自書詩一卷

明沈周畫山水一卷

明沈周畫山水一卷

明沈周溪橋訪友圖一軸

明沈周扁舟詩思圖一軸

明沈周汲泉煮茗圖一軸

明沈周尋梅圖 一軸

明沈周靈萱喜鵲圖 一軸

明沈周三多圖 一軸

明沈周蕉石圖 一軸

明沈周畫芝蘭玉樹 一軸

明沈周畫林亭山色 一軸

明沈周畫瓶中蠟梅 一軸

明沈周墨菊 一軸

明張鈇畫陸深願豐堂會僊山圖

一卷

[illegible]


明戴進赤壁圖 一軸

本幅絹本。縱六尺四寸。橫三尺三寸五分。淺設色畫。懸崖瞰江。扁舟破浪。舟中羅列酒肴。與二客對飲。款錢唐戴進寫。鈐印二。靜隱下一印。不可辨。

鑒藏寶璽

五璽

寶笈三編




明戴進溪橋策蹇圖 一軸

本幅絹本縱四尺三寸橫一尺九寸九分設色畫秋山楓樹溪艇板橋策蹇者二人荷擔者二人款靜菴鈴印一錢塘戴氏

鑒藏寶璽

五璽全寶笈三編

收傳印記閻氏書畫印記武清李氏寶德堂鑒賞書畫印



明戴進畫山水 四軸

本幅絹本四軸。皆縱四尺八寸五分。橫三尺四寸。淺設色。分畫春夏秋冬四景。一雲山溪水。修竹茂林。游騎乘月而歸。奚奴息肩擔叩松下扉。二碧嶂插霄。清溪皴漲。高柳蔭屋。橫琴於几。欄外奚奴持一大蒲葵扇。隔溪二人於柳陰下柳眺。三高峯雲樹。淺水烟蘆。塔寺隱現於山際。游人結隊而行。四重巖積雪。峭

壁懸泉一人憑水閣眺漁人蓑笠挈魚至各

鈐印二靜菴戴進之印

第一第三
幅印模糊

鑒藏寶璽

五璽

寶笈三編


明戴進畫紈牛一軸

本幅絹本縱五尺六寸五分橫三尺設色畫
紈牛一其色驪淺毛絨角虎鼻馬耳馭者左
執鞭右握縻控之衣飾類番國款錢唐戴進
製鈐印一文進

鑒藏寶璽

五璽

寶笈三編



明夏芷風雨歸程圖 一軸

本幅絹本。縱三尺九寸八分。橫一尺一寸一分。水墨畫。風雨中一舟從林薄中出。二人於山樓上倚欄而觀。款夏芷鈐印。夏芷。

鑒藏寶璽

五璽

寶笈三編

謹案夏芷字廷芳錢塘人宣德中畫院待詔
玖見續編



明周文靖雪夜訪戴圖 一軸

本幅絹本。縱五尺。橫二尺九寸四分。淺設色。畫溪山積雪。夜泛扁舟。自題雪夜訪戴。周文靖寫。鈐印三。不可辨。

鑒藏寶璽

五璽

寶笈三編

謹案周文靖。閩人。善山水。學夏珪。吳鎮。宣德間。官鴻臚序班。見閩書。



明商喜歲朝圖 一軸

本幅紙本。縱四尺一寸。橫一尺八寸。設色畫。山茶。梅花。水仙。芝草。款錦衣指揮商喜畫。時正統六年二月初吉也。鈐印一。惟吉。

高宗純皇帝御題行書。

襟潤瓊姿梅吐香。剡藤春物報昌昌。水仙不藉解玉珮。來祝初祺肇吉祥。乙未歲朝御題。鈐寶二。乾隆。

前人題跋

商惟吉畫法出宋元故信手所作秀絕真一代神品也穀祥題鈐印一祿之

軸內分鈐

寶璽 乾隆御覽之寶 乾隆鑑賞

鑒藏寶璽

五璽全

寶笈三編

收傳印記 吳氏匏菴珍藏之物 會元及第

謹案商吉字惟吉 宣德時官錦衣衛指揮 故見續編

明林廣春山圖 一軸


本幅絹本。縱五尺七寸。橫三尺二寸三分。設色畫。巖花雨霽。水榭松陰。自題。鶯啼三月二月。天花發萬山。千山裏。庚申仲春。寫林廣鈴印。一林廣。

鑒藏寶璽

五璽全

寶笈三編

謹案林廣。廣陵人。山水人物。學李在。見圖會寶鑑續纂。



明劉珏仿吳鎮山水 一軸

本幅紙本縱三尺橫一尺一寸五分水墨畫
溪橋水榭江渚風帆二人橋畔遠眺自題沙
鳥江帆弄夕陽草亭翼翼水中央閒行偶吳
幽人話探壑尋邱意兩忘傲梅花和尚筆天
順改元秋七月劉珏鈐印一完菴原題青李
來禽寫未聞又將寫法寫溪山疎雲古木蒼
蒼筆猶出龍跳虎卧間題完菴先生畫沈周

鈐印二煮石齋啟南

鑒藏寶璽

全五璽

寶笈三編

收傳印記高信菴家珍藏

明杜瓊師林圖 一軸

本幅紙本縱二尺七寸五分橫八寸七分墨

畫獅子林圖自題師林圖篆踞地似揚威昂

藏渾欲吼猛虎見還猜妖狐寧敢走師子林

端斂夕霏泉石閤清景淡然娛人心相看忘

日永合暉空山無宿雲月起當殘夜漸出一

峯間分光到林下吐月不雨自插空低垂自

飲澗樵子過還驚神僧度應慣小飛局鑰總

虹

忘機魔外料難入。虛圓日夜明。一塵元不立。

禪萬竹雲朝合。孤亭月夜明。鳳來緣覽德。非

為玉簫聲。谷竹夜靜起山深。隨風舒片影。漠漠

覆柴床。獸卧衣裳冷。卧雲兀立夜迢迢。松堂

篆竊銷。安心了無法。徒受雪齊腰。立雪蒼蒼

庭前柏。明明西來意。禪翁指示人。又在第一

義。指松雪中疎蕊開。不知暗香發。幽人試問

時。正值黃昏月。問樸疏鑿傍雲根。虛寒深百

尺時汲黃春芽為待叅禪客

井米壺

非假琢磨

功泓澄似鑑同朝來蓮葉盡波動覺秋風

鑑玉

池

徐幼文嘗為如海師作師林圖凡十二

段各係以五言詩詞意簡捷後有少師榮公

跋按是詩當是榮公手蹟也余於月舟上人

山寮見之屬擬其意因撮大槩作小幀并書

原咏時成化四年仲春鹿冠道士杜瓊鈐印

二杜瓊用嘉

高宗純皇帝御題行書

雲林橫卷手曾摹。放作長條見此圖。曲徑修篁皆
若識。蕭齋古樹了非殊。佛寧有我何留相。僧達無
生尚坐趺。展對合忘一切念。念民飛興復之蘇。辛
卯春日御題。倪家粉本杜家摹。御苑獅林木石
圖。得一函三了可悟。由今視昔定何殊。坐清閼閣
緬隱迹。建小香幢供佛趺。卷已編書幅懸室。憶杭
高致或同蘇。壬辰春御題。

此首
筆在上方

國幅御

杜瓊

跋謂擬徐賁獅林十二段作小幀而布景筆法全似雲林。又不言賁為臨瓚。或幼文曾見倪卷竊其意以分段見奇。究不能掩其奪胎之蹟。瓚復合而為一。仍不離本來面目。即謂杜臨倪亦無不可。因再識之。壬辰春月御筆。

此篇
筆在本幅右方

軸內分鈐

寶璽 乾隆御覽之寶 乾隆鑑賞 師子林 乾隆宸翰 雲

林清閣 幾暇怡情 比德 朗潤 乾隆

鑒藏寶璽

全五璽

寶笈三編

收傳印記震澤王氏鑒藏畫印


明王謙墨梅一軸

本幅紙本縱三尺八寸九分橫一尺八分墨
畫梅款收之鈴押一不可識

鑒藏寶璽

五璽

寶笈三編



明劉仲賢七賢圖 一卷

本幅絹本縱九寸八分橫四尺設色畫七賢
一執如意憑几與對坐者談一撫琴一展卷
仰視俱藉茵坐二人對奕一執如意凝視數
席坐脫屣在旁童子五分執茗盞羽扇如意
圖卷陳設玩器果品款正統二年四月既望
臣劉仲賢謹寫鈐印一漫漶

鑑藏寶璽

五璽

寶笈三編

收傳印記蘭石口端雲間陸氏仲履父圖書
口口日口口印口口書屋

謹案劉仲履名貫道中山人。攷見續編。

明孫龍寫生 一冊

本幅十二對幅。右絹本。縱橫皆七寸四分。孫龍設色畫。一。柔桑戴勝。二。草花蛺蝶。三。荇藻魚蝦。四。石榴。五。草石蜻蛚。六。蒲桃。七。青紫茄。八。楊梅。九。草蟲。十。筍。十一。柳塘白鷺。十二。兩山。各幅無款。分鈐印。孫龍圖書。開國忠愍侯後裔。崆峒遺跡。此印上注欽賜二字左紙本。縱橫如右。姚公綬題。桑間降戴勝。東作在東菑。吾人不

情事。此鳥亦知時。

野草花瑣碎。乘春亦自

芳。飛飛雙蛺蝶。隨處解尋香。

白小何紛若。

青蝦亦偉哉。得來宜脫尾。入饌薦餘杯。剝

子寒澣齒。用皮清寫詩。仙人人未識。一笑酒

酣時。草色晴迷日。蜻蛚欲醉時。不須誇點

水。雙立向花枝。初疑白馬乳。又訝驪龍珠。

採嚼水流液。吟成渴吻需。茄色分青紫。卑

枝採摘來。煮嘗便老齒。酥味淡中回。愛此

楊梅好。銅坑旋摘來。莫分誰氏果。雅不玉盤
堆。坡草霜殷後。洗洗見候蟲。詩家元自苦。
畫手一何工。挑筍羨他人。奈我種竹懶。看
渠綠玉莖。參此白玉版。柳塘烟色暝。雙鷺
頂絲輕。莫動窺魚念。水寒魚不行。款。逸叟。
止以
各幅 同。向夕山氣佳。江樹綠深杳。騁目去無
窮。天長絕飛鳥。雲東逸史嘉禾姚綬。鈴印一。
公綬。各幅 同。

右方標綾

御筆分題楷書

柔桑集好鳥。力作正敷蓄。戴勝占風至。田家三月時。誰道花招蝶。總由蝶戀芳。雙飛尋細蕊。逐隊覓餘香。江湖隨水母。五色亦雄哉。偶集霜蘆葉。無須佐酒杯。榴開現多子。則百詠周詩。安石傳佳話。殊方貢及時。未向釣絲輕。莎含露時。玩芳仍並集。薄翼點柔枝。翠雙縈。

牽迴低懸百顆珠。回疆珍上品。節宴歲時需。
紫茄色稚馥。摘自曉園來。未遇仙方授。非從中
岱回。楊梅綴枝末。靜覺暗香來。珍果江南擅。
盤中磊落堆。鳴秋感蛩動。振羽報寒蟲。集葉
如聞響。丹青體物工。新筍已登筵。灌園未疎
懶。蘇詩足解頤。何必參玉板。白鷺雙翔集。絲
牽夕照輕。恍如南苑景。晚浦踏莎行。雨過嵐
黛濃。積翠滴幽香。落紙生雲烟。漫寫閒花鳥。

嘉慶甲戌閏月。用姚公綬原韻。御題鈐寶二會。
心不遠。德克符。

鑒藏寶璽

五璽寶笈三編

註案孫龍武進人。忠敏侯孫。善畫草蟲雪兔。
見常州府志。


明姚綬松陰銷夏圖 一軸

本幅絹本。縱二尺八寸四分。橫九寸三分。設色畫。蒼松翠蕉。一人倚湖石坐。眺款雲東逸。史姚公綬寫。鈐印一。姚公綬印。

鑒藏寶璽

五璽

寶笈三編



明姚綬畫樹石小景 一軸

本幅宣紙本。縱一尺七寸，橫九寸七分。水墨畫古榦槎枒，盤陀遭曼。自題癸卯正月四日。藻具紙來對雪呵凍，畫於白雲枕書窩。逸史鈐印一公綬。

高宗純皇帝御題行書

墨戲渾同書擘窠。槎枒高出小嵯峨。試思掛壁宜何處。書屋新成號古柯。已卯夏御題鈐寶一。乾隆

宸翰

玉池

御書老蒼鈐寶三乾隆深心託豪素

軸內分鈐

寶璽乾隆御覽之寶乾隆鑒賞

鑒藏寶璽

全五璽

寶笈三編

收傳印記青笠綠蓑齋藏春峯高處

明姚綬畫竹一軸

本幅紙本。縱二尺六寸。橫一尺九分。墨畫竹石。自題節下可題字。枝間宜挂巾。此君惟對我驅盡眼前塵。雲東逸史。鈐印三。滄江虹月。公綬獨守清曠。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編

收傳印記馬寒中印南樓珍藏神物

明李東陽自書春園雜詩 一卷

本幅紙本。縱一尺八分。橫一丈七尺。草書。春
園雜詩。二月三日佳麗辰。五十五年衰病身。
閉門一枕午時夢。江草江花無數春。庭下
獼猴如小兒。攀花折果不停時。極知野意厭
羈馬。放著林間高樹枝。澗草園花隨意春。
野情偏與物相親。養得山家短角鹿。盡日間
行不觸人。庭前種竹不滿地。長怪牆高多

夕陰縱使難成也。難老莫教移却種花心。
剛道假山如畫圖。畫圖還是假山無。若見此
山真面目。縱非南國也西湖。夜來一雪忽
成雨。雨過西山青入樓。聽人騎馬看山去。又
作思山一種愁。舊作數首。宗之方伯見而愛
之。錄以奉贈。亦為知者道耳。正德己巳閏月
四日。西涯識。鈐印三。長沙賓之。七十一峯深
處。

後幅題跋

古人於知己之別往往舉所珍愛物為贈以致別意。易史張公得代還朝。僕抱病伏枕。楮墨疏廢。無以為情。顧素所珍愛。無如涯翁閣老先生此卷。因舉以為贈。三復唐人河橋不相送。江樹遠含情之句。執筆悵然。正德辛未仲秋吉日。矩菴居士陳鏞力疾頓首識。鈐印一宗之。

鑒藏寶璽

五璽

寶笈三編

收傳印記畢瀧審定

謹案陳編。字宗之。會稽人。成化丁未進士。歷官副都御史。湖廣巡撫。有矩巷漫稿。

明陶成畫狸奴芳草

卷

本幅紙本縱七寸三分橫四尺七寸八分設色畫狸奴二十有四毛色各異獅蹲虎卧相乳相嬉游蜂在空芳草如罽鈐印一雲湖

後幅題跋

陶雲湖在畫家稱神品然喜貌猫兔顧羣猫圖不四三見此圖奇姿軼態曲盡其妙宛然戲紅絲毯上也時西樓讌集主人得白魚長

三尺許烹以享客。予謂衆客曰：無更披圖。恐羣猫來瞰之也。相對一大笑。雲湖又有牡丹羣猫圖一。不知落於誰家。隆慶丁卯春日射陽畸人吳敏道跋。鈐印三。敏道吳道南氏支川書屋。


鑒藏寶璽

五璽全

寶笈三編

謹案陶成字慈學號雲湖仙人寶應人。成化七年舉人以畫名家。吳敏道字曰南亦寶應人。萬曆三年歲貢老而不過。築歸隱草堂。自號南華山人。並見揚州府志成。署印又作孟

學教道署印又作道南



明陶成歲朝圖 一軸

本幅紙本縱三尺四寸橫一尺五寸設色畫
花瓶椿杓爐水罌各一款嘉靖壬申雲湖仙
人漫筆鈐印二陶成之印孟學

高宗純皇帝御題行書

支逢申酉酒漿多爐火瓶花聽演儺歲美人和恒
所願轉思艱致歎如何壬寅新正御題鈐寶二
古稀天子之寶猶日孜孜

前人題跋

陶雲湖字孟學。寶應人。性至巧。所畫山水花
木。俱古勁秀媚。兼能寫真。無弗酷肖。自號雲
湖仙人。亦極狂放。有富家欲求畫芙蓉。立成
二十幅。因主人不雅。悉取投火中焚之。僅奪
得一幅。其迂怪如此。庚辰秋七月。錫山補菴
氏記。鈐印一。錫山華氏秘玩。余未通籍時。
常懸此幅於齋中。及宦游京師。遂封置篋笥。

公暇每念藏玩因郵寄來燕邸披閱之次如
對故人爰重題以誌不忘鈐印一補卷

軸內分鈐

寶璽乾隆御覽之寶乾隆鑒賞

鑒藏寶璽

全五璽

寶笈三編

收傳印記石經堂印停雲

謹案補卷華雲自號次見後



明吳寬記園中草木詩一卷

本幅紙本。縱八寸三分，橫一丈六尺八寸。行書。記園中草木二十首。東園憶初購，糞壤頻掃除。牆下古槐樹，憔悴色不舒。况遭衆手折，高枝且無餘。愛護至今日，濃陰接吾廬。數步已仰視，偉哉鉅人如。非藉此蔭庇，誰結幽亭居。立為衆木長，奴僕桎與榆。槐。始我種三榆，近在亭之左。西日待隱蔽，陰成客能坐。七

年長漸高。密葉已交鑱。生錢聞可食。貧者當
果蔬。其一忽憔悴。噉腹緣蟻螺。持斧欲伐之。
材未中船舵。藤蔓方附麗。不伐亦自可。古人
無棄物。守國嘗用跛。榆。讀詩識其名。誰謂

材無用。西戎每度河。此木能載重。所以人字
之。豈在作梁棟。兩株倚東籬。計亦七年種。相
對垂青絲。葛地來二仲。槐。荒園乏佳果。棗

樹八九株。纂纂爭結實。大率如琲珠。此種味

甘脆南方之所無。日炙色漸赤。兒童已窺覷。
剝擊盈數斗。鄰舍或求須。蚤知實可食。何須
種檉榆。此木性耐旱。地宜土不濡。所以齊魯
間。斬伐充薪芻。近復得異種。擎拳類人病。曲
木未可惡。惟天付形軀。良材却矯揉。不見笏
與弧。棗。檜柏性相似。安論不同形。城南久
移植。用以護幽亭。檜也漸生粉。柏兮復垂鈴。
幸非兩石間。自足全餘齡。古槐雖老大。秋到

即凋零。園空霜雪冷。見此獨青青。檜柏南

方編短籬。木槿每當路。北地少為貴。翻編短
籬護。要知一物爾。貴賤以地故。夏末蕊累累。
生意含曉露。花開亦可觀。別種更相妬。獨憐
一夕間。顏色已非素。蕊多固應爾。此理真自
悟。不見萱草花。開落只朝暮。槿團團復亭
亭。園子巧相競。都下朝千盆。花市此為盛。我
獨解其縛。高枝遂其性。參差花更繁。緋綠錯

相映安石名已蒙休從謝公姓榴脩然數

君子落落俱長身東家每借看步去不嫌頻
移栽幸許我已自前年春自我得此輩園居
豈為貧但憂積雨霽日暴少精神終然勤灌
溉枝葉還如新因茲悟為學黽勉在斯晨竹
花開不結實徒冒丁香名枝頭綴紫栗旂
旒香非輕乃知傳物者名以香而成或者樹
相類惜未南中行初栽只一榦肥壤拚爭萌

分移故園內。不知死與生。終當問來使。亦欲如淵明。丁香 有樹吾不識。人云馬檳榔。

榔產南海。結實因瘴鄉。平生冒其名。豈亦如丁香。白花細而密。實甘聊可嘗。其葉與麻同。沃若澤且光。麻馬音。或謠欲問索。駝亡馬檳

榔。

薔薇發長條。叢生類薔草。每記衆花開。

此種開獨早。南方色多紅。黃色見者少。但嫌易零落。蜂蝶食不飽。曲闌強遮護。童子日必

掃花落當復開豈似主人老昔枉詩客來覓
句步頻繞載誦成感傷誰來慰幽抱薔薇

酴醾有數種同名而異字花開欲折難鉅鉤
如棘刺白者幹獨長紅者香更膩種之小徑
傍所恨罽衣袂插竹加編縛步障差可類石
家金谷園恐乏此佳致酴醾託身北墻下

幸免人所踐苗長已過墻入土根不淺葉間
蕊何多漑漑滿園幽此種覺尤佳觀者盡云

鮮傾心識忠臣衛足存古典作羹諒非堇名
同亦須辨葵黃花隱綠葉雨過仍離披不

為杜老歎未是涼風時服食治目昏吾將采
掇之不須更買藥園丁是醫師決明花細

山桂然階下不堪嗅野人斲其根根長節應
九苦節不可貞服食可資壽其功利於病有
客嫌苦口戒予勿復種味苦和難受豈不見
甘草百藥無不有黃連惟芥本菜類秋深

掇而藏此種乃野生已向春初長紫花布滿
地葉嫩亦堪嘗氣味既不辛却與芥同行北
人無不食木柈并草芒入盤以油和齒頰流
肥香紫芥 蕺蕺葉如許豐草各列當花開

似蘭蕙嗅之却無香不為人所貴獨取其根
長為帚或為拂用之材亦良根長既入土多
種河岸旁岸崩始不善蘭蕙亦尋常馬蘭
娟娟數尺藤往歲手親插西菴敞短簷藉爾

兩相夾。歲久終蔓延。枝葉已交接。有花散紅
纓。有子垂皂莢。赤日隔繁陰。偃息可移榻。但
憂風雨甚。高架一朝壓。霜雪却不妨。忍冬共

經臘

朱藤。忍冬
亦藤名。

本草載藥品。草部見牽牛。

薰風籬落間。蔓生甚綢繆。誰琢紫玉簪。葉密
花仍稠。日高即擎斂。豈是朝菌儔。陰氣得獨
盛。下劑斯見收。會須作花菴。誰與迂叟謀。
牽牛。江湖渺無極。彌望皆蒲蘆。蘆木水濱物。

久疑平陸無移根偶種此溝淺土不汙縱橫
忽遍地葉卷多葭草白花可為絮長幹須人
扶每當風雨夕蕭蕭亦江湖宛如扁舟過榜
人共歌呼浩然發歸興豈為思尊鱸盧夏日
在告賦此以遣病懷舜臣過訪園居偶談及
之因請錄一過亦多識草木之義也匏翁鈐
印三延陵原博王延亭主

鑒藏寶璽

五璽

寶笈三編

收傳印記小谿子凌氏家藏河間世家

謹案宋愷字舜臣上海人宏治癸丑進士授
屯田主事歷官福建叅政見松江府志與寬
正同時跋中所稱舜臣疑即其人


明邵寶畫梅花山茶一軸

本幅絹本。縱四尺六寸四分。橫一尺九寸七分。設色畫。梅花山茶。芝蘭叢生其下。款。正德戊寅正月望前四日。二泉山人寶畫於容春精舍。鈐印二。邵寶之印。二泉。

鑒藏寶璽

五璽

寶笈三編



明沈周畫三吳集景一冊

本幅紙本推蓬窺八對幅皆縱一尺三分橫一尺九寸三分下幅水墨畫一江峯浮玉二招隱觀泉三虎阜春遊四垂虹暮色五道場塔樹六六橋烟雨七天台石梁八會稽修楔分鈐印啟南七重上幅

御筆分題楷書

岷峨遠導幾千里江漢朝宗匯揚子一掌浮玉

峙波心。寶塔巍然示法喜。甲辰春仲乘輕舟。晚泊金山登寺樓。憑窗坐對浩渺水。水天相印空翠流。昔年身在此畫裏。今從畫外虛摹擬。寓意不留風過簫。游藝臨池揮素紙。江峯浮玉。吳中名勝實薈萃。丹徒城外招隱寺。梁時蕭統曾讀書。與區從此著縣志。山環林抱曲逕延。殿閣突兀翠嶂連。倒垂石筍映深壑。相傳虎跑得沸泉。初地清涼遠塵境。觀水靜坐忘形影。澄暉永

印古碧潭。畫圖省識。心引領。招隱觀泉。虎阜

傑峙標姑蘇。古寺巍煥。城北隅。劍池龍隱。蘊英

氣。闔廬有志。霸業圖。夫差讐復心。即徙館娃宮。

中擁西子。酣歌恒舞。麋鹿紛伍。員頭懸任伯。韜

昔歲春遊。曾紀詩。此日披幘。如莅茲。縮地千里

坐觀覽。若登層閣。勝概披虎阜。春遊。秋色清

寥夕。陽遠垂虹。卧波游龍。宛浮屠高峙。茂林端

策杖延矚。天欲晚。滄浪浩渺。通太湖。遙峯一抹

雲外鋪連年七十二涵洞長橋據勝雄三吳片
帆斜挂泛小艇水禽幾點衝烟冥蟬竦跨浪安
鯨鯢元氣高接銀漢迴垂虹暮色湖州勝境
道場山蒼崖迴抱古禪關晴川蕩漾送行棹雲
峯極頂寶塔攀石橋當門入山路仄徑層層緩
進步崎嶇跋涉經歷多自有安身立脚處密林
旋轉登崇岡吳越一覽眼界長神遊六合觀其
妙蘇詩沈畫重參詳道場塔樹武林城西春

滿湖六橋三竺山名孤雙峯青霄時釀澤宜烟
宜雨相涵濡畫中佳景曾習見乘舟策馬遊行
徧風篁嶺上潤黛螺湖心亭畔欣開宴從來興
區名繪傳此湖一別三十年長言寫勝若重莅
瞻雲懷澤心悽然六橋烟雨東南山水紛呈
才就中雄傑標天台地靈蟠鬱獨秀起奇峯突
兀凌斗魁入山樵徑盤危棧林間隱約梵王殿
更沿磴道望石梁層宇平鋪白玉練兩崖橫接

萬丈高下有銀河飛素濤。造物結構漫思議。讀
畫娛性抒丹毫。天台石梁典午佳話傳石梁。
千古法帖右軍書。羣賢修禊少長集。永和癸丑
暮春初。崩劣崇山連峻嶺。茂林修竹懷抱騁。一
觴一咏敘幽情。仰觀俯察遊目迴。蘭亭舊紙數
臨摹。因文問景未合符。欣於所遇得於已。筆花
墨雨飛玉壺。會稽修禊甲戌仲夏御題。分鈐寶
萬有同春。一重。用筆在心。一重。澄神靜慮。筆花春雨。

烟雲舒卷。即事多所欣。寓意于物。一重人情為田。
二重藝與道。兼朝日輝。嘉慶御筆。

鑒藏寶璽

五璽全

寶笈三編。嘉慶御覽之寶。茂對時

育萬物。



明沈周支硎遇友圖 一卷

本幅紙本縱八寸二分橫四尺一寸設色畫
溪山林屋一人坐屋中一童捧卷侍一人策
杖度橋一人泛小舟載茶具一童打槳面橋
而來款沈周寫贈時葺先生鈴印二啟南啟
南沈氏接幅自題林溪相值夕陽邊跡似無
官意有仙高笠冒雲宜我畫小詞磨石信僧
鐫山逢佳處肩遲輟眼落閒時袖出編隨後

擔夫亦殊俗。花筐酒榼兩頭懸。辛亥歲二月
二十一日。予登支硎山。林麓隱隱見一士。戴
笠手卷。乘筍輿而東。及近。乃楊儀部君謙也。
且迫暮。僅一揖而別。明日思繪其高致。并詩
以寄。此先乞正于性甫云。沈周鈐印一石田。

高宗純皇帝御題行書。

艤舟應在慶橋邊。戴笠飄飄致欲仙。畫卷若為今
日設。詩詞知向那峯鋤。不羈遊興足雙屐。有契崇

情手一編。我豈似他閒逸者。觀民惟覺意中懸。乙酉仲春。題於寒山別墅。即用其韵。山圍溪繞野堂間。簪盍良朋坐待閒。欲問圖中高尚者。盤山夫豈異寒山。壬寅暮春。靜寄山莊再題。御筆。沈周寫寒山。却弄盤山處。盤中之溪亭。更肖龍井趣。佳卷於斯披。將以清諸慮。問慮清也無紛然者。何據。辛亥三月。題於靜寄山莊。御筆。

前隔水

御題行書

肖浙溪亭裏。寫吳山卷存。偶然一展看。復爾有題
言。引慮多微哂。寄心靜匪煩。六巡別南國。却每憶
黎元。癸丑三月御題。

引首

御書印真洽賞。

後幅題跋

石丈高情點筆間。悠然胸次白雲間。憑君莫

作元暉看。自寫吳門雨後山。吳門何處墨
淋漓。最是西山雨後奇。一段勝情誰會得。千
年摩詰畫中詩。當年詩律號精誠。晚歲還
憐畫掩名。世事悠悠誰識得。白頭慚媿老門
生。高人不見沈休文。漁子沙頭幾夕曛。斷
墨殘縑和淚看。碧山千疊鎖愁雲。石田先
生。人品既高。文章敏贍。而學力尤深。出其緒
餘。以供遊戲。要非一時庸工俗匠所能及也。

先生早師叔明子久既而無所不學學皆逼
真晚歲得高尚書粉本十三段喜其高雅渾
融氣運生動得米氏父子之趣間有所作不
啻過之若此卷是也是豈可以藝言哉嘉靖
乙巳三月十又三日徵明題鈐印四文徵明
印悟言室印徵仲停雲

卷內分鈐

寶璽會心不遠德充符

古稀天子。猶日孜孜。八徵耄念。矧自強不息。

天恩八旬。八徵耄念之寶。寫心筆端。造化萬有同春。
靜寄山莊。用筆在心。

古希天子。乾隆御覽之寶。

太上皇帝。乾隆鑑賞。泉香亭。

五福五代堂。古稀天子寶。保泰觀書為樂。

鑒藏寶璽

五璽

寶笈三編

收傳印記。天籟閣。重項元汴印。重三教弟子。

印文。子京甫印。重墨林秘玩。子孫永保。重三

韓金氏子宣珍藏

謹案汪珂玉珊瑚網載此卷作支州買雲圖
題句跡似無官意有仙。作跡似無言意似仙。
款止遂繪其高致并詩以寄無先乞正於性
甫云句當是汪氏繕寫時偶誤及脫耳。性甫
未存理字

明沈周春岫喬林圖 一卷

本幅紙本。縱八寸四分。橫八尺二寸五分。青
綠畫。晴嵐暖翠。溪壑沿迴。款沈周製。鈐印一
石田。

御題楷書

春山濯新雨。蔥鬱盛喬林。雲寫連峯影。鶯遷出
谷音。紛敷青始遍。茂密綠初深。雅合增新潤。願
符望澤心。庚申孟夏御題。鈐寶二。會心不遠德。

充符

後幅題跋

萬朵芙蓉插天碧。疊嶂層巒森列戟。雲外鳥啼松徑深。渡頭水泮春流急。落花飛絮踏成泥。蘭芽紫芽蒲葉齊。桃花依約天台路。烟霞彷彿武陵溪。物外神仙居海島。瓊芝珠樹連瑤草。樓閣參差入望迷。眼前便覺人寰小。延陵吳寬題。鈐印二寬原博。山中地貴何錢。

買水次幽居却儘強。老草杯盤無俗客。清虛
亭子但湖光。弱雲過雨不多點。喬木當風有
許涼。一咏一觴殊遣撥。自家錯認是柴桑。宏
治己酉新秋。再見拙畫。卷首辱匏翁品題。生
色多矣。復作一律書後。長洲沈周。鈐印二。沈
氏啓南石田。

鑒藏寶璽

五璽全

寶笈三編

謹案沈周詩見書畫彙考。啟南自題作水次
亭館圖。

[illegible]

明沈周蘇州山水全圖 一卷

本幅紙本。縱一尺二寸八分。橫五丈四尺五寸。設色畫。巖巒起伏。烟水縈迴。城堞關津。石橋塔院。山扉溪閣。泉壑湖田。網罟帆檣。筍輿樵擔。遊釣琴書。景物畢具。楷書各標名山。塘虎邱。許墅。天池。風現嶺。湮槃嶺。天平山。支硎山。支遁菴。獅山。何山。橫塘。木瀆。靈巖。九龍塢。上方山。石湖。吳山。胥口。虎山橋。光福。太湖。無

款印

後幅自識

吳中無甚崇山峻嶺。有皆陂陀連衍。映帶乎
西隅。若天平。天池。虎邱。為最勝地。而一日可
遊之遍。遠而光福。鄧尉。亦一宿可盡。余得稔
經熟。歷無虛歲。應目遇筆。為圖為詩者屢矣。
此卷其一也。將謂流之他方。亦可見吳下山
水之繁。以識其未遊者。畫之工拙。不暇自計。

知沈周鈐印二啟南白石翁

鑒藏寶璽

五璽全


寶笈三編

收傳印記

千古

半印重

一印不可辨



明沈周石泉圖 一卷

本幅紙本縱九寸二分橫六尺五寸水墨畫
溪壑深幽泉流噴薄石橋野屋濃蔭森然無
款鈐印二啟南石田

後幅題跋

高人野居只青山。潔心潔體惟泉然。松風萬
壑雜其間。兩崖白石如齒頑。高人日來卧松
邊。心遊太古體自胖。泉聲如訴石不言。掉頭

一笑擎其拳。三者意會友道全。日落青松眼
在天。萬事不理交百年。石泉若人人。石泉長
洲沈周。鈴印二啓南。布衣之士。貞抱邱壑
姿。曠懷江湖心。俯仰宗泰岱。厯落從浮沉。君
方問逝者。我亦投山林。了此泉石期。百年謀
合簪。吳門唐寅。鈴印一。唐居士。山石撼翠
開磷磳。古泉潰玉飛晶瑩。石行偃蹇泉拮曲。
有時激射鏗然鳴。泉鳴谷應巖壑意。枕流漱

石幽人情。幽人癖。習無所託。掃除塵俗。盟寒
清。此身玉瘦。秋稜兢。中心瑩澈。寒波澄。幽人
自抱泉石真。佳名勝境。終古誰能爭。長洲文
壁。鈴印二文。壁之印。文徵明印。當軒石丈
勢。稜層更有原泉混太清。一日那客別幽耳。
百年真可寄閒情。米公端合具袍笏。孺子何
勞歌濯纓。聞說膏肓清癖在。一毫塵俗可能
嬰。江東金琮。鈴印二金氏元玉。桃花流水。

雲根蟠活水。高賞契幽襟。不改巖巖節。焉知
混混心。寒輝應韞玉。清韻自鳴琴。瀛海還相
近。三山或可尋。祝允明鈐印二。祝希哲包山
真意。

引首

石泉

書款徵明鈐印二。文徵明印。衡山

鑒藏寶璽

五璽

寶笈三編


收傳印記

清河氏圖書

重張一經印。重圖書。

印又半印二不可辨

謹案金琮字元玉上元人自號赤松山農見
江寧府志



明沈周西山秋色圖一卷

〔本幅〕紙本。縱一尺四寸五分。橫二丈八尺九寸。設色畫。蒼崖紅樹。村舍河橋。策蹇刺舟。諸景色無款印。接幅自題。尺楮伊誰塗水墨。滿堂更起江山色。不假丹青意自足。塵煤暗淡前朝迹。撐空卓立高遠處。欲騎黃鶴尋仙去。看山要識山形似。或如遊龍或虎踞。籬落見烟村。參差認江樹。溪橋平帶紫迴路。紫駟詩

人自成趣。恨不追隨躡芒屨。水邊茅屋重復
重。近可狎飛鷗。遠可招冥鴻。嗚吁。長安道上
赫赤日裏走。何不來此搖羽扇。眠清風。嗟我
胡為乎塵中。何時歸去洗塵容。西山之陽豈
無三間袁安卧雪屋。千尺李白巢雲松。嗟我
胡為乎塵中。成化庚戌八月三日西山之行。
秋色滿林可愛。返歸追想漫興作此圖。系書
之。長洲沈周。鈐印四。煮石亭。啓南。白石翁。石。

田。

後幅題跋

詩中大家必推少陵。以其沉鬱頓挫。能寫忠
愛之心也。書中大家必推魯公。以其端莊厚
重。當存正大之體也。惟畫亦然。唐宋元明諸
家。或以名麗勝。或以平遠勝。或以超逸枯淡
勝。而北苑巨然子久。並稱大家。猶畫中之少
陵。魯公。後石田翁起而承之。寧重毋輕。寧正

母桃寧厚母纖而又以人品之高卷帙之富
流溢于其間有明一代塵諸名家之上矣此
卷尤生平用意之作如少陵詩中之秋興諸
將魯公書中之宋廣平元道州二碑留傳世
間定不磨滅得此者幸寶而藏之乾隆辛巳
中秋後學沈德潛跋時年八十有九鈐印三
學有本原沈德潛印光祿大夫

鑒藏寶璽

五璽

寶笈三編

收傳印記秋颿書畫圖章婁東畢氏真賞畢
沅審定畢龍鑑賞智卿四重婁東畢沅鑑藏一重
一印模糊不可辨

明沈周溪雲欲雨圖 一卷

本幅紙本縱一尺八分橫二丈五尺二寸設
色畫雲樹濃酣溪山蒸潤款溪雲欲雨圖宏
治甲子仲夏四日長洲沈周畫鈐印二啟南
吳沈氏有竹莊圖書

鑒藏寶壘

五壘

寶笈三編



明沈周穹窿古梅圖 一卷

本幅紙本縱一尺五寸橫三尺一寸五分
水墨畫懸崖古梅一人坐梅樹下無款印

後幅自題

猾蛟不肯居西湖穹窿山中潛作都千年雜
與草木處土膏沁骨蒼皮粗雪中嫵嫵凍欲
死老腊又仗春風蘇今年苦遭斤斧厄左股
割落從樵夫幽靈暗泣天欲黑十斛清泪含


明珠抱材肯受爨下辱失勢豈分溝中泳得
歸韓休亦天使何啻拔着青珊瑚挑回市上
駭衆目兒女爭看來喧呼還疑神物有變化
白日開戶防逃遁金繩兩道鎖鈕壯禁止斜
插碧玉壺主人尚恐莫長守請我寫作留芳
圖高堂雪壁照清影此屋此圖何可無鈴印
一沈氏啟南

鑒藏寶璽

五璽全

寶笈三編

收傳印記瞿稼軒收藏印
重口齋真賞印



明沈周舟行圖 一卷

本幅紙本六接紙皆縱一尺一寸四分通橫二丈三尺二寸水墨畫遙岑別浦風雨飄然長橋卧波郵亭覆水崇山特峙泉石噴薄齋中人執卷凝坐扁舟艤岸側卷後自題癸卯季冬念有四日有事於吳江與徐克成同汎舟中克成出紙一卷求寫信目所見舟行景移會意即著筆甚適客懷也是夕抵黃溪會

湖州張君子靜引酒小酌得敘五年之別子
靜索詩以紀良遇漫賦一律將引玉於子靜
云明日返棹經垂虹亭與克成同登即事又
賦竹枝小詞歸舟始足此卷因連書二詩於
末以識茲遊之有佳興也吳江南下黃溪路
歲晏逢君溪水頭雙髻都生五年雪兩人相
對一孤舟關前晚纜翻鴉樹夜半寒燈落雁
洲未識新春此杯酒更於何地得同遊綠幙

紅簾映水開。長橋夾岸起樓臺。樓前舫子過
湖去。雙櫓鳴環。浙索來長洲。沈周鈐印三。石
南。重石田煮石亭。吳松江腹太湖頭。雌霓
連。蹀卧碧流。我昨經行覺尤勝。滿船明月下
滄洲。後十五年予亦有吳江之行。因克成出
示此圖為題。此於末。吳寬在相城沈氏之全

慶堂書鈐印二。原博天官口口。

二字
模刻

鑒藏寶璽

五璽
全

寶笈三編

收傳印記
顧元慶印
顧學尼印
顧氏
四重

謹案子靜乃張淵字

明沈周畫小像一卷

本幅紙本縱九寸。橫一尺九寸八分。設色畫
中服小像。自題七十四年。我未識我。丹青一
面。是否莫果。傍觀曰真。我隨可。可以真生假。
唐臨橋顥。以假即真。物化蟲羸。真假襍糅。何
較瑣瑣。但感白鬚。長者半墮。額盧壓層。頤瘦
摺。蹕嗚呼老矣。歲月既夥。茂松清泉。歌行嘯
坐。逍遙天地。聊備一課。宏治庚申季春下浣。

沈周自題鈴印二石田啓南原題貌古心古
詩古字古衣冠亦古人皆識其為石田先生
我獨知其為巢由之伍也歟泰和劉啟謹贊

後幅題跋

至哉先生。出自華胄。氣若太清。骨如山瘦。身
老烟霞。胸蟠錦繡。德孚鄉閭。名滿宇宙。上配
古人。孰得而垢。既壽且康。宜天之祐。正德改
元正月三日。時先生年八十也。金華方太古

拜贊。堯舜方隆道。何人箕穎風。今茲見夫子。朗若商山翁。白雪被方領。秋晶凝碧瞳。林屋此溪古。衣冠誰與同。興至拂雲藻。游心觀化工。佳篇憂金石。雅望傾王公。元嘿理斯泰。孰言吾道窮。空令持繳者。矯首望冥鴻。丁卯秋七月三日。徐禎卿謹書。七十四。八十三。我今在後。爾已在前。茫茫者人。悠悠者年。茫茫悠悠。壽夭偶焉。爾影于紙。我命於天。紙八

百或者天八百未然。生浮死休。聊盡其全。陶
潛之孤。李白之三。杯酒相對。曠達猶仙。千載
而下。我希二賢。正德己巳端午日。沈周重題
鈴印二石田。啟南。我聞石田於談之口。我
睹石田於繪之手。嘻。是二者皆非吾有。彼其
須髮之蕭然。儀觀之脩然。而亦孰知其胸臆
之悠然。進退之超然。詩發乎前人之所未道。
畫得乎近世之所不傳。身住吳中。識周海內。

身寄寰中氣超物外。所謂石田者。其或在於
斯焉。其或在於斯焉。中順大夫詹事府少詹
事。兼翰林院侍讀學士。東宮講讀官。震澤王
鏊。贊。鈐。印。一。濟。之。石田高名滿天下。前身
應是臨池者。元鱗雖不赴嘉招。發藻揚翹勝
金馬。行行玉潤殿頭吟。子西一帖字字金。宛
如端人冠冕立。左繩右準法度森。黃君本是
詞林客。豈惜傾囊買遺墨。閒窗耽翫手自摹。

勒作丹碑永不沒。時時染翰瑞皇州。千里唯
攜獨鶴遊。秋恐裝中大羞澀。還將片石載行
舟。長洲張獻翼。鈐印四張。叔一獻翼。張幼于
氏。

引首

石田二妙。篆書山農金琮為黃應龍篆古。

鑒藏寶璽

五璽金

寶笈三編

收傳印記。葯洲曾觀。

謹案沈周自題前一首末句石田詩選作一
拙自荷後一首集未載劉致武英殿千戶善
畫人物見國繪寶鑑方太古字元素蘭谿人
見明詩綜小傳徐禎卿字昌穀吳縣人宏治
乙丑進士官終國子監博士見明文苑傳
張獻翼字幼子一名教長洲人黃雲字應龍
崑山人官瑞州訓導俱攷見續編

[illegible]

明沈周畫松並自書詩一卷

本幅紙本二幅皆縱一尺三寸三分畫幅橫
二丈九寸六分水墨畫虬幹蟠雲無款鈐印
二啟南一書幅橫五尺九寸行書豪來畫松
作長卷揮洒雲烟墨未乾座客滿堂稱絕妙
老夫今日發奇觀忽驚風雨虬枝飜欲動龍
蛇翠影寒移得徂徠三百樹世間今作畫圖
看沈周鈐印二啟南白石翁

後幅題跋

虬龍抱石狂欲走。雨露擎天濕不乾。已許明
堂崇大用。直教良匠駭旁觀。光搖晚翠千年
花。聲撼秋濤萬壑寒。海嶽秀鍾楨幹在。併須
磨閣畫中看。用韻題石田翁松卷。寄呈龍石
老先生謝教。嘉靖丙午秋八月之吉。吳下張
寰頓首。鈐印三張允清氏。石川世居省訓堂。

鑒藏寶璽

五璽

寶笈三編

謹案張賓字允清號石川居士崑山人正德
辛巳進士歷官通政使叅議攷見續編

[illegible]

明沈周畫山水一卷

本幅紙本縱九寸八分橫五尺三寸淺設色
畫溪山林壑兩人對坐茆齋一人曳杖山下
童子隨後自題我從繪事歲既多破費水墨
將成河濫觴董巨意亦廣望洋不至當如何
十年為爾負黃卷譬藝稂莠翻遺禾祇今鑄
錯歎無鐵蕭騷兩鬢紛蓬科過猶未改復弄
筆老身自像般山阿踰梁差少鶴引路振策

忽驚魚出波疎林秋杪不着葉。要看疊嶂開
嵯峨。庚申十一月廿日沈周鈐印二。啓南石
田。

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽全

寶笈三編

明沈周畫山水 一卷

本幅紙本縱五寸二分橫八尺五分淺設色
畫曲岸維舟柴門傍水接幅自識小卷筆須
約束要全纖巧非大軸廣幀放筆爛漫信手
而成覺易易耳觀者當念老眼加一倍看法
可也沈周題鈐印一啟南重原識古大家揮
灑運斤成風法備神完心手兩忘者斯為化
境白石翁自署曰放筆不盈一握中有難盡

之致江東收藏富有昔稱瞿稼軒先生三十
年來散而又散漸歸罕見此卷為曇谷相授
堪挂杖頭可作水符山佩也垢道人遽題鈐
印二垢區程邃之印

鑒藏寶璽

五璽
金

寶笈三編

明沈周溪橋訪友圖 一軸

本幅紙本。縱四尺。橫一尺八寸。水墨畫。溪山
深樹。溪上有橋。一人曳杖前行。自題白下長
洲不相及。詩篇往往動潛夫。暑街臺笠他年
約。借看高軒卧雪圖。豫齊中含道及子昂卧雪圖故云知問
學之譽久矣。因立夫先生所附問訊。貞父必
有教也。沈周鈐印三。啓南。沈周。石田。

高宗純皇帝御題行書

疊樹龍蔥山岌峨。幽人家在白雲窠。不因世外烟霞契。誰復溪橋策杖過。已丑仲春月御題。鈐寶二乾隆。

軸內分鈐

寶璽乾隆鑑賞。乾隆御覽之寶。

鑒藏寶璽


五璽全

寶笈三編

收傳印記。天籟閣寄傲。項墨林鑑賞章。項元汴印。項子京家珍藏。樵李。項叔子陳定永存。

珍秘○安氏儀周書畫之章○

謹案孫承恩紐仲玉皆號貞父皆與周同時
仲玉一號五浮山人吳江人又與周同郡此
卷殆為仲玉作也




明沈周扁舟詩思圖 一軸

本幅紙本縱三尺八寸五分橫一尺九寸五分設色畫溪山秋樹一人泛舟溪邊自題秋水碧於玉遠山翠欲浮高人謝城郭詩思落扁舟沈周鈐印二启南石田

鑒藏寶璽

五璽

寶笈三編



明沈周汲泉煮茗圖 一軸

本幅紙本。縱四尺八寸。橫一尺一寸二分。水

墨畫。疎林下一童子挈壺自題。夜扣僧房覓

澗腴。山僮道我客村沽。沽字未傳盧氏煎茶

法。先執蘇公調水符。石鼎沸風憐碧縹。瓊甌

盛月看金鋪。細吟滿啜長松下。若使無詩味

亦枯。去歲夜泊虎邱。汲三泉煮茗。因有是詩。

為惟德作圖。錄一過。惟德有暇。能與重遊。以

實故事何如沈周鈐印一啟南

鑒藏寶璽

五璽

寶笈三編

收傳印記兩峯秘笈


明沈周尋梅圖 一軸

本幅絹本。縱五尺八寸，橫二尺八寸五分。淺設色。畫雪滿湖山，梅花數點，一人扶筇凝望。自題：西湖昨夜二尺雪，曳屐扶筇有底忙。借問寒梅著花未，公然一白但聞香。沈周鈐印二。名：南石田。

鑒藏寶璽

五璽

寶笈三編



明沈周靈萱喜鵲圖 一軸

本幅紙本縱四尺九寸二分橫二尺二寸設
色畫萱草一叢一鵲踣湖石上自題北堂靈
鵲喧春曉流蘇拂風紅裊裊阿兒壽母黃金
杯摘萱浸酒花香好壽杯屢飲慈顏紅千歲
此花同不老同不老天地間願母能作長生
人萱亦呼為長命草沈周鈐印三養石亭君
南石田

鑒藏寶壘

全五頁

寶笈三編

收傳印記崇村審定蕉林


明沈周三多圖 一軸

本幅紙本。縱一尺二寸九分。橫三尺六寸七分。設色畫。佛手柑。桃。石榴。各三款。已酉春仲望日。長洲沈周寫。鈐印一。石田。

鑒藏寶璽

五璽

寶笈三編



明沈周蕉石圖 一軸

本幅紙本縱四尺橫一尺六寸五分水墨畫
芭蕉巨石觀以平坡淺草自題綠暗山窗片
雨餘芳心逐一向人舒老夫病齒堵頭坐錯
認尋詩葉上書沈周鈐印二名南石田

鑒藏寶璽

金璽

寶笈三編

收傳印記 休寧朱之赤珍藏圖書東南之美
有明王氏圖書之印



明沈周畫芝蘭玉樹 一軸

本幅紙本。縱四尺二寸。橫一尺七寸二分。淺設色。畫靈芝幽蘭叢生石畔。上倚玉蘭一樹。自題玉芝挺芳枝。幽蘭出深谷。生長雖不同。氣味各芬馥。沈周鈐印二。啟南石田。

高宗純皇帝御題行書

芝朶丹黃蘭葉青。石邊木筆燦亭亭。畫家大有伊人念。規寫無非謝氏庭。乙酉暮春御題。鈐寶二。乾。

隆

前人題跋

玉樹芝蘭花清香暗中起日暮懷美人盈盈
隔湘水祝允明鈐印一允明一枝香雪亞
牆東千樹天桃枉自紅腸斷不禁明月夜
縞衣珠珮倚微風匏庵吳寬鈐印一原博


軸內分鈐

寶璽乾隆御覽之寶乾隆鑑賞

鑒藏寶璽

五璽全

寶笈三編



明沈周畫林亭山色 一軸


本幅紙本縱四尺五寸四分橫九寸四分水
墨畫高嶺疎林一亭峙石坡上自題我有魚
波簟乘風問此亭隔江山最好影入枕前屏
沈周鈐印二啟南石田

鑒藏寶璽

五璽

寶笈三編

收傳印記錦春堂




明沈周畫瓶中蠟梅一軸

本幅紙本縱四尺三寸七分橫九尺九寸淺
設色畫瓶中插蠟梅數枝自題體薰山麝臍
色染薔薇露披拂不滿襟時有暗香度右黃
魯直蠟梅詩偶戲寫古瓶折枝并書沈周鈐
印二名南石田

鑒藏寶璽

全五璽

寶笈三編



明沈周墨菊 一軸

本幅紙本縱四尺二寸七分橫一尺墨畫菊花一枝自題寫得東籬秋一株寒香晚色淡如無贈君當要領賞此歸去對之開酒壺沈周鈐印一啟南

鑒藏寶璽

五璽

寶笈三編

[illegible]

明張鈇畫陸深願豐堂會仙山圖 一卷

本幅紙本。縱八寸五分。橫五尺。淺設色畫。草堂數楹。立石數峯。石旁各標以名。選邇仙。紫芝。紫雲。呂公。鉅石。蓑衣真人。麻衣道者。俱隸書鈇印。一張鈇。

後幅題跋

願豐堂後隙地。疊石作小山。與碧溪聯句。旋分采石作谿山。深圓嶠方壺。在此間。鈇境遇。

奇時峯忽斷。缺沙當急處。水成灣。雲屏欲送。
秋容淡。深風匣初開。夜月彎。一柱擎天高卓。
立。缺四時含雨細。潺湲常疑虎豹穿羣去。深。
更覺援揉費力。扳人事。化工相勝負。缺酒尊。
詩卷日躋攀。料裁花竹多留地。深為速賓朋。
不設關。斜睨却如垂舞袖。缺娉婷復似綰雲。
鬟。幽懷乍對簾頻捲。深佳興堪乘屐未還。堂。
額詎宜標綠野。缺主人正及詫紅顏。敢言夙。

有山林骨。深何事久違鵲鷺班。連絡九峯排
小朵。缺廉纖一雨長層斑。摩挲甲乙尋題品。
深追逐風騷媿老孱。挂笏時臨窗裏岫。缺挂
冠期遠市中闌。孤高合有神仙伴。深蒼翠始
知圖畫慳。安石東山非久計。缺子期南郭偶
偷閒。深翰林咳唾皆珠玉。野老蕪詞合見刪。
缺名山會仙作一首。羣峯題品作羣仙。浪
跡虛名本偶然。湖上千年浮遠浪。簾開今日

對高眠。忽看佩劍凌空碧。疑有吹笙向月圓。

後夜中庭頭可點。欲將真訣問先天。

下註浪跡作幼

跡五栽花先栽松竹映迴廊。更插黃花看晚

霜。地接淮南秋信早。水風偏愛木犀香。款深

鈴印一。陸子淵氏。會仙山記。會仙山以形

似名也。雲間陸先生以翰林編修在告。雅愛

泉石。親知以諸品佳石遺之。乃於北莊願豐

堂之後庭。壘一小山。其中峯屹立。倍尋而高。

中心二大竅若兩口相啗曰呂公西一峯曰
蘇衣道者其紋皴斷蘇衣似之又一峯曰蓑
衣真人其紋襍襍蓑衣似之東一峯曰三峯
居士形骨昌侈不受拘束似遺邇也合而名
之曰會仙蓑衣為武康其三皆湖石餘錦川
武康諸小峰不在是數主峯虛中若受而羣
峯離立環拱諸小峯斷而復續或趨而從或
去而顧咸若有情且風致蕭散又出於靈秀

之餘予慕先生久。今茲款門山適經始不日
而成。先生顧余曰。會仙山名一時得於形似
之偶然。方咸而子適來。若有不偶然者。宜有
文以紀之。余越之鄞人。泉石膏肓。不受砭藥。
嘉山勝地足跡殆罕。而江左名家凡有山者
無所不到。廣地巨石十百於此者。有之。求其
布置合宜如茲山者。吾目未之嘗經焉。蓋以
先生胸中壑

此字原
點去

邱壑得之天賦。近以使

事馳驅南北凡有形勝靡不收覽故其巧思有奪造化而為工者都超知謝元於履屐之林各得其任因料淮淝之功必勝余以是知先生真安社稷之具矣安石不出如蒼生何先生允宜蚤出而大展設施置社稷於磐石之固然後乞身高蹈以赴會仙之樂為子房從赤松補舊案未晚也余雖老尚當杖策相存姑志以俟正德乙亥秋八月朔旦張鈇識

併摹鈐印一張鈐 會仙橋碧玉欄干三百

尺大江東去是蓬瀛羣仙長日一字來往肯

許人間俗士登沈雲鈐印一夢窩 黿頭石

玉堂一卷石元是黿頭化何年別湖海來作

羣仙駕雷風震九州此地原本此山如神邱

百年獨登臺安坐無他憂夢窩鈐印一子龍

鑒藏寶璽

五璽 寶笈三編

謹案張鈐字子成慈谿人與沈啟南為詩友見列朝詩集陸深字子淵號儼山華亭人宏

治乙丑進士。歷官詹事。贈禮部侍郎。諡文裕。
見桂州文集。沈震字子龍。上海人。正德癸酉
舉人。官通判。見松江府志。

[illegible]